



Leis Amics de Mesclum

**MESCLUM
L'ARMANAC**

**LO VINTEN !
ANNADA 2014**

DIEU

Es pas tant una cresença.
Es puslèu un biais de pensar la vida.

Dieu autoritari
O Dieu dei bifurcacions, de l'azard de chasque jorn de la vida.

O Dieu d'una esperança
De solidaritat concreta
Efectiva e amoroá.

LO DIABLE

Es pas tant la paur.
Es puslèu la nafradura de çò que voudriam èstre e faire
E que podèm pas.

LA PLUEIA

Es pas tant la jòia o la malenconiá

Es puslèu l'umiditat
Que garís o que nafra

Que fa viure o morir.

LO SOLEU

Es pas tant l'esperança mai lo cremar o la polida calor de sei rais.

Es la vida deis Egipcians e deis Indians
Un biais de reconeissença de la natura
Coma per nautre.

LA MÒRT

Es la transmission de çò que siam
L'eiritatge de cambiar
L'escambi mutuau

Mai.
Non basta.

Volèm mai qu'aquò
Es coma aquò.
Li podèm ren

LA VIDA

Es deman e uei

Lo moment tant instant coma eternitat.
L'engana e la veritat.

Lo sang que s'arrapa e que fugís d'un meme movement.

La consciéncia e la demembrança

LA LENGA

Es lo biais maternau d'escambiar
Es lo biais maternau de manjar

Lenga e maire
Manjar o aimar
Desseparats o ensems

Demandatz ais immigrats

S'an ges de respònsa parlada
L'an materialament quotidiana.

Pèire ASSANTE